

外科證治進繩

二之三


松  
科  
別

44

8

Kitasato Memorial Medical Library

F-131



No. 3171  
12 m 44

490.9  
Jo-3  
6

走疰痛 頭目眩暈 頭痛

心痛 小腹痛 項筋痛

兩脇脹痛 腰痛 腰脚疼痛 臂痛

脚气 癢疹瘙痒

走疰痛

夫婦人體虛受風邪之氣隨血而行或淫易皮膚卒然掣痛遊走無有常處故名為走疰也加減小續命湯主之薛東垣云若人身體沉重走疰疼痛此濕熱相搏或風熱鬱而不得伸附著於有形也是證多因飲食起居失節或因七情勞役失宜脾胃虧損腠理不密外邪所侵以致內熱肺熱自汗盜汗或經候不調飲食不甘治法濕熱腫痛者清燥湯傷暑兼痰佐以二陳湯痰飲肝火作痛者加味道遙散脾鬱作痛者加味歸脾湯血虛作痛者四物湯氣虛作痛

走疰痛

卷之二

疰

者四君子湯氣血俱虛者八珍湯俱加羌活川芎月  
 經先期而痛者加味逍遙散頭眩倦怠而痛者補中  
 益氣湯太抵按之痛甚者病氣實按之痛緩者元氣  
 虛勞役而痛者亦元氣虛也飲食失宜而痛者脾氣  
 虛也惱怒而痛者肝火盛也若晝輕而夜重者血分  
 病也 一婦人歷節發熱作渴飲食少思月經過期  
 其脈舉之洪大按之微細用附子八物湯四劑而痛  
 止用加味逍遙而元氣復用六味丸而月經調 一  
 婦人體肥胖素有熱月經先期患痛風下體微腫痛  
 甚則小便頻數身重肌緩此風濕血虛有熱用羌活

勝濕湯三劑腫痛漸愈用清燥湯數劑小便漸清用  
 加味逍遙散肉熱漸愈又為飲食停滯發熱仍痛面  
 目浮腫用六君加柴胡升麻而愈又因怒氣小腹痞  
 悶寒熱嘔吐用前藥加山梔木香而安惟小腹下墜  
 似欲去後此脾氣下陷用補中益氣而愈後因勞役  
 怒氣作嘔吐痰遍身腫痛經行寒熱此肝木侮脾土  
 用六君加柴胡山梔腫痛嘔吐悉退後用補中益氣  
 而安 一婦人飲食少思畏風寒患痛風嘔吐寒熱  
 脉弦緊用附子八物湯而四肢痛愈用獨活寄生湯  
 而腰痛漸痊惟兩膝腫痛用大防風湯而痛漸愈用

歸脾逍遙而元氣復  
沒藥散治婦人血風走疰肢節疼痛發時來往不定

沒藥 另研

乳香 另研

芎藭

當歸 炒去蘆

桂心

漏蘆 去蘆

木香 各半

白芷

琥珀 另研

地龍 去土微炒

安息香 另研

麝香 另細研 各貳錢半

為細末入研藥拌勻每服壹錢温酒調下不拘時  
琥珀散治婦人血風走疰疼痛來往疼痛  
琥珀 另研  
當歸 去蘆  
牛膝 酒浸

羌活 去蘆 入血川大黃 剉微炒各米錢半

桂心 壹兩 沒藥 另研 血竭 另研

乾漆 炒烟 玄胡索 防風 去蘆

羚羊角屑 各半

右為細末每服貳錢温酒調下不拘時日進貳服  
虎骨散治婦人血風走疰疼痛不可忍

虎脛骨 貳兩 乾蝎 炒 琥珀 另研 各半兩

當歸 炒 威靈仙 牛膝 酒浸

羌活 去蘆 桂心 各壹兩 漏蘆 去蘆

芎藭 各壹兩 沒藥 另研 各

右為細末每服貳錢温酒調下不拘時候日進貳服

雄黃散 治婦人血風走疰疼痛

雄黃 研水飛

血竭 另研

赤箭

側子 炮去皮

桂心

沒藥 另研

木香

白芥子

地龍 炒去土

蚘蛭 各半兩 生用

麝香 貳錢半 另研

烏蛇 貳兩酒浸去皮骨炒微黃

右為細末入研藥更研令勻每服貳錢熱酒調下不拘時候日進貳服

漏蘆散 治婦人血風走疰疼痛無有常處

漏蘆

當歸 去酒

牛膝 各參分

桂心

地龍 去土

防風

羌活

白芷

沒藥 研

甜瓜子 各半兩

虎脛骨 酥炙

敗龜板 醋炙各壹兩

右為細末每服貳錢熱酒調下無時

四生丸 見前

麝香丸 治白虎歷節諸風疼痛遊走不定狀如蟲

齧晝靜夜劇及一切手足不測疼痛

大八角川烏頭 參枚去皮尖生用

生全蝎 貳拾箇

生黑豆 貳拾粒

生地龍 去土半兩

為細末入麝香壹字同研停糯米糊為丸如菉豆  
 大每服七丸甚者拾丸夜卧令昂空温酒吞下微  
 出冷汗一身便瘥許學士云予得此方凡是歷節  
 及不測疼痛一服便瘥在歙州日有一貴家婦  
 人遍身走注疼痛至夜則發如蟲齧其肌多作鬼  
 邪治予曰此正歷節病也三服效

芍藥知母湯治諸肢節疼痛身體魁瘰脚腫如  
 脫頭眩短氣温温欲吐

- 桂心
- 知母
- 防風各肆兩
- 芍藥
- 麻黃去根節
- 甘草各肆兩

附子貳兩炮

右吹咀每服四錢水壹盞半生薑五片煎七分去  
 滓空心服一方有白朮川芎杏仁半夏

附子八物湯 治風歷節疼痛四肢如錢鍛不可忍

- 附子
- 乾薑
- 芍藥
- 茯苓
- 人參
- 甘草
- 桂心各叁兩
- 白朮肆兩

右吹咀每服四大錢水貳盞煎七分去滓食前服  
 一方去桂用乾地黄貳兩

獨活寄生湯方見雜  
 病腰痛

小續命湯

治白虎歷節痛不可忍

方見雜病中風

陳一婦人先自兩足踝骨痛不可忍次日流於膝三日流於髀骨甚疼至於肩流於肘肘流於後溪或如錐鍛或如虫竄痛不可忍晝靜夜劇服諸藥無効召僕診之六脉緊子曰此真歷節證也非解散之藥不能愈但用小續命湯一劑而痊

又鄧安人夏月亦病歷節痛不可忍諸藥無効召僕診之今迎與心脉虛此因中暑而得合先服酒蒸黃連丸眾醫莫不笑用此藥服一貼即愈自後與久良驗

治婦人血風走疰腰膝骨節疼痛不可忍

附子生

薰陸香

杏仁研

桂心

當歸

芸薹子

羌花

巴豆去皮各壹兩

松脂壹兩半

右為細末鎔黃蠟五兩攪和諸藥捏作片子包裹痛處立効

又方

羌花

桂心各壹兩

漢椒貳兩

桑根白皮叁兩

芸薹子

柳艸屑各伍兩

右為細末用醋一升拌和蒸令熟用青布裹處痛

處冷即更入醋蒸用之

治婦人血風走疰腰膝脚膝疼痛

天仙子

川烏頭生

附子生

各壹兩

右為細末以酒煎成膏攤於帛上敷貼痛處多年者不過三上効

頭目眩暈

大婦人頭眩由氣虛風入於腦循脈引於目系目系急而然也邪甚則必癩素問云頭痛癩疾下虛上實過在足少陰巨陽甚則入腎狗蒙招搖目瞑耳聾下實上虛過在足少陽厥陰甚則在肝下虛者腎虛也故腎厥則頭痛上虛者肝虛也故肝虛則暈狗蒙者如以物蒙其首招搖不定目眩耳聾皆暈之狀故肝厥頭痛不同也薛丹溪先生云眩者言其黑運旋轉其狀目閉眼暗身轉耳聾如立舟船之上起則欲倒蓋虛極乘寒得之亦不可一途而取軌也若風則



有汗寒則掣痛暑則執悶濕則重滯此四氣乘虛而眩暈也若鬱結生痰而眩暈者此七情虛火上逆也若淫慾過度而眩暈者此腎虛氣不歸源也若吐衄漏崩而眩暈者此肝虛不能攝血也有早起眩暈須臾自定者元氣虛也正元飲雜病下黑錫丹雜病傷濕頭暈用腎着湯雜病加川芎有痰用青州白丸子雜病頭風風熱也久則目昏偏頭風相火也久則目緊便澁皆宜出血以開表之竊謂前證肝虛頭暈用釣藤散腎虛頭暈六味丸雜病頭暈吐痰養正丹不應八味丸雜病血虛四物參苓白朮雜病當歸補血

湯雜病氣虛四君歸芪不應補中益氣湯雜病肝木

實瀉青丸雜病虛用地黃丸雜病不應川芎散脾氣

虛二陳參朮柴胡升麻不應益氣湯加茯苓半夏脾

胃存痰半夏白朮天麻湯風痰上涌四神散發熱惡

寒八物湯雜病七情氣逆四七湯傷濕而暈除濕湯

雜病一婦素頭暈不時而作月經遲而少此中氣

虛弱不能上升而頭暈不能下化而經少用補中益

氣湯而愈後因勞仕地月經如涌此勞傷火動用前

湯加五味子一劑而愈前證雖云氣無所附實因脾

胃虧損耳門一婦人內熱口乾勞則頭暈吐痰帶下

詳下嘈雜門

養正丹 治虛風頭眩吐涎不已蓋此藥升降陰陽  
補接真氣非止頭眩而已

黑鉛 水銀

硫黃 研

朱砂 研各壹兩

右用建瓯壹隻火上鎔鉛成汁次下水銀用柳枝  
子打停取下歇少時入貳味打停候冷取下研為  
粉以糯米軟飯丸如棗豆大每服叁拾丸棗湯吞  
下空心食前日貳服

釣藤散 治肝厥頭暈清頭目

釣藤

陳皮 去白

半夏 湯洗柒次

麥門冬 去心

茯苓 去皮

茯神 去木

人參 去蘆

甘菊花

防風 去蘆

甘草 貳錢半

石膏 壹兩

右以咀每服四錢水壹盞半生薑七片煎至壹盞

去滓熱服日進貳服

獨活散 治婦人風眩頭疼嘔逆身體時痛情思昏

悶

獨活 壹兩

白朮 去蘆

防風 去蘆

細辛 去苗

人參 去蘆

芎藭

荆芥 各半 半夏 湯洗朱次 炙甘草  
錢半 石膏 二兩

右吹咀每服八錢水壹中盞半生薑七片薄荷七葉煎至壹大盞去滓溫服不拘時

川芎散 治風眩頭暈

川芎 山藥 白茯苓 去木

甘菊花 野菊不用 人參 各半兩 山茱萸肉 壹兩

右為細末每服貳錢溫酒調下不拘時候日進叁服

四神散 治婦人血風眩暈頭痛

菊花 當歸 去蘆 旋復花

荆芥穗 各等分

右為細末每服貳錢水壹盞葱白叁寸茶末壹錢煎至七分通口服良久去枕仰臥少時

斗門方 治血風頭旋或不知人事用喝起草嫩心陰乾為末酒服貳錢其功甚効即前蒼耳散

治頭旋如天動地轉名曰心眩膽礬壹兩細研用麩餅劑壹箇拌勻勒如骰子大瓦上焙乾每服壹散為末燈心竹茹煎湯調下此去痰之法當審而用之



益氣湯雜病少加川芎蔓荆細辛痰厥頭痛半夏白  
 朮天麻湯雜病厥逆頭痛羌活附子湯雜病如濕氣  
 在頭者以苦吐之不可執方而治若脉雜亂而病見  
 不一且補胃為主一婦人因勞耳鳴頭痛體倦用  
 補中益氣加麥門五味而痊三年後得子因飲食勞  
 倦前證益甚月經不調晡熱肉熱自汗盜汗用六味  
 地黃丸補中益氣湯頓愈經云頭痛耳鳴九竅不利  
 腸胃之所生也故脾胃虛耳自九竅皆為之病  
 一婦人兩眉稜痛後及太陽面青善怒此肝經風熱  
 之證用選奇湯雜病合道遙散調經加山梔天麻黃芪

半夏黃芩而愈此證失治多致傷目或兩耳出膿則  
 危矣

旋覆花湯 許叔微云婦人患頭風者十居其半每  
 發必掉眩如在車船上蓋因血虛肝有風邪襲之  
 爾予嘗處旋覆花湯此方修合服之比他藥甚效

- 川芎
- 當歸去蘆
- 羌活去蘆
- 旋覆花
- 細辛去苗
- 蔓荆子
- 防風去蘆
- 石膏
- 藁本去蘆
- 荆芥穗
- 半夏麴
- 乾地黃
- 甘草炙各半兩

右收咀每服五錢水壹盞半生薑五片煎至七分去滓温服日進貳服

七生丸 治男子婦人八般頭風及一切頭痛痰厥氣厥飲厥傷寒傷風頭痛不可忍者並皆治之

川烏頭

草烏頭

天南星

叁味並生去皮

半夏

冷水洗去滑

川芎

白芷

石膏

並生用各等分

右為細末研韭菜自然汁丸如梧桐子大每服七丸加至拾丸嚼生葱茶送下食後日進貳服

陳嘗治鄧安人頭痛如破諸藥無効加北細辛等分全蠶減半為丸服貳拾粒即愈

藥隱老人云若頭痛連齒時發時止連年不已此由風寒中於骨髓留而不去腦為髓海故頭痛齒亦痛謂之厥逆頭痛宜白附子散灸曲鬢穴此穴在耳上將耳掩前正尖上可灸七壯左痛灸左右痛灸右白附子散

白附子

炮壹兩

烏頭

炮去皮臍

天南星

炮

麻黃

不去根節各半兩

乾薑

炮

辰砂

研各貳錢半

全蠍

炒伍枚

麝香

另研壹字

右為細末每服壹錢温酒調下不拘時候治頭風痛不可忍

頭痛

女科二

五十五

硝石

人中白

腦子

各等分

右研令極細每用一字搐入鼻中

川芎茶調散 治諸風土攻頭目昏重偏正頭痛

薄荷

剉兩

川芎

荆芥

各肆兩

羌活

白芷

防風

甘草

炙各貳兩

細辛

壹兩

右為末每服貳錢食後茶清調下

如聖餅子 治男婦氣厥上盛下虛痰飲風寒伏留

陽經偏正頭疼痛連腦顛吐逆惡心目瞋耳聾常

服清頭目消風化痰暖胃

防風

生半夏

天麻

各半兩

天南星

洗

川烏

去皮

乾薑

各壹兩

川芎

甘草

炙各貳兩

為細末湯浸蒸餅和丸芡實大捻作餅子日乾每

服伍餅同荆芥穗參伍莖細嚼茶酒湯任下無時

若頭痛筋攣骨重少氣噦噫腹滿時驚不嗜臥欬嗽

煩寃其脉舉之則弦按之石堅由腎氣不足而內著

其氣逆而上行謂之腎厥頭痛宜玉真丸與硫黃丸

玉真丸

硫黃

研參兩

硝石

研分

石膏

煨研

半夏

湯洗為末

各壹兩

右研令停勻生薑自然汁打糊圓如梧子大生薑

湯下叁拾圓 一方無半夏有天南星

硫黃丸 治頭痛不可忍或頭風年深暴患無所不

治服此除根

硝石 壹兩

硫黃 貳兩

右研令極細滴水丸如指頭大空心蠟茶清嚼下

壹九百一方云中暑者以冰水服之下咽即洒然

治傷冷以艾湯下

裕陵傳王荆公偏頭疼方云是禁中祕方用生蘆菔

汁蜆殼仰卧注鼻中左痛注左右痛注右或兩鼻皆

注亦可數十年患皆一注而愈

心痛

大夫婦人血氣心痛者由臟腑虛血氣不調風冷邪氣乘於心也其痛發有死者有不死者成證者心為諸臟之主而主於神其正經不可傷傷之而痛者名為真心痛朝發夕死夕發旦死心之支別絡為風冷所乘而痛者故痛發乍輕乍甚而成證者也薛前證若寒邪所傷温散之飲食停滯消導之肝火妄動辛平之脾氣鬱結和解之仍與後六證方藥同用一婦人久患心痛飲食少思諸藥到口即吐予以為脾土虛弱用白朮一味同黃土炒去土每服壹兩以



心痛  
 米泔煎濃徐服少許數日後自能太飲用三斤餘而  
 安上舍陳履學長子室素怯弱產後患疥瘡年餘  
 不愈因執喪旬月每欲眩仆一日感氣忽患心脾高  
 腫作疼手不可按而嘔吐不止六脉微細或見其形  
 實誤認諸痛不可補氣乃用青皮木香五味吳茱萸  
 等藥而愈繼復患瘧且墮胎又投理氣行血之藥病  
 雖去元氣轉脫再投參芪補劑不應矣六脉如絲欲  
 絕迎予至診之曰形雖實而脉虛極反用理氣之劑  
 損其真氣故也連投參芪歸朮附子薑桂一劑間用  
 八味丸五日寢食漸甘六脉全復此證若心脾疼痛

時卽服此等藥瘧亦不作矣

大烏藥散 治婦人血氣攻心痛發歇不定

烏藥 莪茂 桂心

當歸炒 桃仁 青皮

木香各等分

為末每服貳錢熱酒調下

阿魏丸 治婦人血氣攻心痛及一切積冷氣

當歸 桂心 青皮

附子炮 阿魏麩裏煨以 白朮

川芎各壹兩 吳茱萸炮 木香

乾薑各參分

檳榔

肉豆蔻煨

延胡索

莪朮各壹兩

朱砂細研兩

右為末先以醋壹升煎阿魏成膏和藥末搗參百

杵丸如梧桐子大每服貳拾丸食前熱酒下

雞舌香散 治男子婦人九種心痛一切冷氣

良薑剉細麻油炒

桂心

赤芍藥各分

右為細末每服貳錢水壹盞入鹽木瓜參片同煎

七分溫服鹽湯點亦可血氣疝瘕痛用熟醋湯調

下忌生冷

應痛散 治心脾痛不可忍者婦人脾血氣作心脾

痛尤効前方同只無桂心用醋煎醋湯點亦可

乙丑年春初次女年十五經脉未行初一日心痛

如刺吐飲不止脉沉緩弦細以蘇合香丸神保丸

沉香丸理中丸訶子散七氣湯皆無効余思之此

證非蟲即飲作疾非局方九痛丸則不可遂合與

服一二丸即愈矣

陳氏二神丸 治婦人血氣不和作痛不止及下血

無時月水不調

真蒲黃炒

草薢鹽炒

右等分為細末煉蜜丸如梧子大每服參拾丸空

心邪

如和二

心温酒下如不能飲米飲吞下兩服即止

陳日華抽刀散 治婦人血風血氣等疾武興戎司

機宜侯遣云見一道人用此方療病不二而足遂

以為獻真是奇妙

五靈脂炒兩

莪茂

桂心

芸薹子炒各半兩

右為末每服貳大錢酒半盞水半盞煎至八分疾

作熱服

失笑散見產後訶子散見霍亂亦妙

靈苑方 治婦人卒血氣心痛只用生五靈脂為細

末每服壹錢酒壹盞煎沸熱服

局方四七湯加良薑又沉香降氣湯分心氣飲皆治

心痛良三方並見雜病諸氣



陳加山梔桔梗乃不再發。一婦人懷抱鬱結不時  
 心腹作痛諸藥不應用歸脾湯雜病健忘倍加炒山梔而  
 愈。陳湖陸小村母久患心腹疼痛每作必胸滿嘔  
 吐手足俱冷面赤唇麻咽乾舌燥寒熱不時月餘竟  
 夕不安其脉洪大衆以痰火治之屢止屢作迨乙巳  
 春發頻而甚仍用前藥反劇此寒涼損真之故內真  
 寒而外假熱也且脉息洪弦而有怪狀乃脾氣虧損  
 肝木乘之而然當溫補胃氣遂用補中益氣湯加半  
 夏茯苓吳茱萸木香一服熟寐徹曉洪脉頓斂怪脉  
 頓除諸證釋然。

三神丸 治室女血氣腹中刺痛痛引心端經行澀

少或月水不調以致疼痛

橘皮貳兩

當歸酒浸炒

玄胡索醋煮各壹兩

右為細末煉蜜和丸如梧桐子大每服五十九空

心溫酒送下

沒藥散 治一切血氣臍腹撮痛及產後惡露不下

兒枕塊痛

大黃 沒藥 血竭 桂心

玄胡索

當歸

蒲黃

紅花

乾漆炒烟盡

木香

心腹痛

芍藥 各等分

右為細末每服貳錢食前溫酒調下

大延胡索散 治婦人血氣攻心腹疼痛

延胡索

當歸

川芎

桂心 各半錢半

木香

枳殼

赤芍藥

桃仁 各半兩

熟地黃 壹兩

右咬咀每服叁錢水壹盞薑叁片煎至七分去滓

熱服

琥珀散 治婦人血氣攻心腹煩躁悶亂疼痛不止

琥珀

另研

沒藥

另研

當歸 炒

赤芍藥

牡丹皮

延胡索

蒲黃

莪茂

桂心 各等分

右為末每服壹錢溫酒調下

瑞金散 治婦人血氣撮痛月經不行預先嘔吐疼

痛

玄胡索

牡丹皮

紅花 各壹錢

片薑黃

赤芍藥

莪茂

川芎

當歸

官桂 半錢

作壹服水壹鍾酒壹鍾同煎至壹鍾食前服

牡丹散 治婦人久虛羸瘦血塊走注心腹疼痛不

心復痛

六十一

五十三

思飲食

牡丹皮

玄胡索

官桂 各壹錢

京三稜

當歸 各壹錢半

莪朮

赤芍藥

牛膝 各貳錢

右煎服法同前

八僊散 治血氣心腹疔痛立驗

當歸

厚朴

芍藥

枳殼 製

人參 各肆分

甘草

茯苓 各伍分

肉豆蔻 貳分

右為末水貳升煮取八合空心分三服

又八仙散

治諸

治諸

棕櫚 貳兩

當歸 壹兩並剉碎處燒成炭細研

麝香 壹錢細研

右同研令停每服壹錢溫酒調下

玄胡索湯 治婦人室女七情所感血與氣併心腹

疼痛或連腰脇甚作搐搦一切血氣經候不調並

宜服之

玄胡索

蒲黃

赤芍藥

片薑黃

當歸 去蘆各壹錢半

乳香

木香 不見火

官桂 不見火

沒藥 各壹錢

心腹痛

女科二

甘草半錢

右作壹服水貳鍾生薑叁片煎至壹鍾食前服

大効琥珀散花壹 治婦人心膈迷悶腹臍撮疼痛

氣急氣悶月信不調等疾

烏藥各貳兩 當歸壹兩

右並生為細末温酒調一錢服後以食壓之忌

生冷油膩等物如是產後諸疾炒生薑酒調下

治血氣不調臍下痛

桑耳 菴藺子 桂心

土瓜根 川芎各肆分 甘艸貳分

牛膝 赤茯苓各五分 大黃

白芍藥各陸分 乾地黄捌分

右為末煉蜜丸如梧桐子大醋湯吞下貳十丸

蠲痛散 治婦人血氣刺痛

荔枝核燒存性 香附子去毛炒

右為細末鹽湯米飲調下貳錢不拘時候

沒藥散 治婦人血氣疼痛不可忍出博濟方

紅花 沒藥明 延胡索炒

當歸各等分

右為末每服貳錢童便半錢酒半錢同煎至六分

心腹痛

女科二



熱服用燒赤秤鍾許過調服亦可常服只用溫酒  
菖蒲丸 治婦人脾血積氣及心脾疼

菖蒲 九節者 陸兩

吳茱萸 炮

香附子 炒去毛 各肆兩

右三味並剉細以醞醋五升者乾為度焙乾研細末以好神麴打糊為丸如梧桐子大空心食前以淡薑湯吞下四五拾丸日叁服橘皮湯下亦好手拈散 治血氣心腹疼痛

草菓

玄胡索 五靈脂

沒藥 各等分

為末每貳錢溫酒調服

木香枳朮丸 破滯氣消飲食開胃進食消化痰涎

木香

枳實 炒各 壹兩

白朮 貳兩

右每服五錢薑棗水煎服

木香化滯湯 治脾胃虛弱飲食停滯腹脹作痛或

心下痞滿不思飲食若憂怒飲食而致者尤宜用之

木香

紅花 各叁 錢

橘皮

當歸尾

枳實 炒各 貳錢

柴胡 肆錢

草豆蔻

甘草 各 半兩

半夏 壹兩

右每服叁五錢薑水煎服

甘草 芍藥 木香 丁香 胡椒 荳蔻 砂仁 白朮 白芍 茯苓 薏苡仁 芩芩 木香 丁香 胡椒 荳蔻 砂仁 白朮 白芍 茯苓 薏苡仁 芩芩

木香 丁香 胡椒 荳蔻 砂仁 白朮 白芍 茯苓 薏苡仁 芩芩

木香 丁香 胡椒 荳蔻 砂仁 白朮 白芍 茯苓 薏苡仁 芩芩

木香 丁香 胡椒 荳蔻 砂仁 白朮 白芍 茯苓 薏苡仁 芩芩

木香 丁香 胡椒 荳蔻 砂仁 白朮 白芍 茯苓 薏苡仁 芩芩

小腹痛

大婦人小腹痛者此由胞絡之間風有風冷搏於血氣停結小腹因風虛發動與血相擊故痛也

前證若氣寒血結用威靈仙散氣滯血凝用當歸散

肝經血虛用四物湯通加參朮柴胡肝經濕熱用龍膽瀉肝湯雜病肝脾氣虛用六君子湯雜病加柴胡芍藥肝脾虛寒用六君子加柴胡肉桂若兼嘔吐加木香四肢逆冷再加炮薑通府張孟威云其妹小腹痛服附子理中湯附子服過八十餘枚此乃沉寒痼冷之甚不多有者

小腹痛

女科二

百五

大威靈散 治婦人久冷氣滯血刺小腹疼痛

威靈仙 壹兩

當歸

沒藥

木香

桂心 各半兩

右為細末無時熱酒調下壹錢服忌茶

當歸散 治婦人久積血氣疔刺小腹疼痛四肢無力不能飲食

當歸 炒

赤芍藥

劉寄奴

沒藥

枳殼

延胡索 各等分

右為細末熱酒調下壹錢無時候

追氣丸 治婦人血刺小腹疼痛不可忍

芫花

芫花

桂心 各壹兩

良薑 半兩

為細末醋糊丸如梧桐子大每服五丸不拘時淡

醋湯下常服補血虛破氣塊甚有效

石灰散 治婦人血氣痛不可忍者陳五婆方

右取猪貼脊血半盞於湯上煖用杖子攪停後用

石灰於火上燒令黃為末羅過灰壹錢同血攪停

放温服之愈

予嘗用紫金皮為細末醋糊丸如櫻桃大又治婦人

血氣小腹疼痛以温酒磨下壹丸及有心腹痛者

亦良

吳茱萸湯 治婦人素虛又為風冷乘氣停滯腹脇

刺痛

吳茱萸 湯洗

當歸 去蘆各

桔梗 去蘆

細辛 去苗

防風 去蘆

乾薑 炮各

熟地黃 貳錢

甘草 炙半

右作壹服水貳鍾煎空壹鍾空心服

椒紅丸 治婦人血氣不調臟腑積冷臍腹疔痛肌

體日瘦

椒紅

沉香

當歸 去蘆

訶梨勒 煨去核

蓬朮

附子 炮去皮臍

白朮 各壹兩

肉豆蔻

良薑

丁香 各半兩

麝香 另研貳錢半

右為細末煉蜜和丸如梧子大每服參拾丸空心

用溫酒送下

大腹皮飲 治婦人血癖單腹痛

大腹皮

防已

木通

桑白皮

厚朴

瓜萋

黃芪

陳皮

枳殼 麩炒

大黃 蒸各壹錢

青皮 壹錢半

五味子 半錢

右作壹服水貳鍾煎至壹鍾入酒半盞再煎一二

弗去滓食前服

大黃

蒸各壹分 青丸 壹粒半

正和子

黃芩

刺文

博考

桑白皮

瓜林

瓜瓞

大卸皮

刺文

木血

六神效

白米酒

陳良甫云婦人項筋拘攣強痛每得此疾療之似易

下香

肉豆蔻

白米酒

肉豆蔻

項筋強痛

陳良甫云婦人項筋拘攣強痛每得此疾療之似易而實難然方冊中所載亦少縱有言之議論亦畧以予考之然既有是疾必有是方何古人言此疾證尚且略又無的然之論詳之必是挾諸疾而生所以絕無專門予因暇日撫古名方以備檢閱然自明學識淺鄙未必全備博學之士見其遺缺尚冀補而完之夫頸項之處乃屬足太陽膀胱之經又許大學云是足少陰腎之經蓋腎與膀胱為表裏故也以感外邪論之則有太陽經先因感風又感寒濕致令外證

發熱惡寒與傷寒相似頸項強急腰身反張如中風  
狀瘰癧口禁其身體凡凡古人以強直為瘰其脉沉  
遲弦細新產血虛多汗出喜中風亦有此證詳見產  
後中風茲不贅錄 又有逆枕轉項不得者與三五  
七散追風散仍與急風散搽項上 若因被風吹頭  
目昏眩太陽并腦俱痛項背筋脉拘急可與蝎附散  
都梁丸 許太學治項筋強痛不可轉側以木瓜煎  
薛前證若因肝木自旺用瀉青丸 痛精血不足六  
味丸 雜病 風熱淫肝加味道遙散 調經 怒動肝火加味  
小柴胡湯 熱入 肝經血虛加味四物湯 四物加柴

腎不能生用六味丸膀胱氣滯羌活勝濕湯 腰痛  
大抵肝火旺則肝血虛而筋燥頸項強急或腰背反  
張或四肢攣拳或頸項等處結核 一婦人耳內或  
耳後項側作痛寒熱口苦月經不調此肝膽經火兼  
傷脾胃用四君加柴胡升麻黃芪芍藥而愈後因勞  
役怒氣嘔吐脇脹用六君子湯加山梔柴胡而安  
一婦人因怒寒熱作渴左目緊小頭頸動掉四肢抽  
搐遍身疼痛此血虛肝熱則生風也用加味道遙加  
釣藤鉤數劑諸證漸愈又用八珍湯而痊  
追風散 治年深口近偏正頭疼又治肝臟久虛血

項解強痛  
百  
百

氣衰弱風毒之氣上攻頭痛頭眩目暈心忪煩熱  
百節痠疼腦昏目痛鼻塞聲重項背拘急皮膚瘙  
痒面上遊風狀若蟲行及一切頭風兼療婦人血  
風攻症頭自昏痛皆治之

川烏炮去痰皮臍 防風去蘆 石膏煨

川芎 甘草炙 荆芥穗

白僵蠶炒去絲各壹兩 天南星炮 羌活 白附子炮

天麻 地龍 白芷各半 草烏頭炮去皮臍

全蝎去尾針 乳香研 沒藥研 雄黃研

右為細末每服半錢入好茶少許同調食後及臨  
卧服常服清頭目利咽膈消風化痰

急風散

草烏頭叁兩一分半燒存性於酒內蘸令冷餘一分半生用 丹砂另研壹兩水飛

黑豆貳錢伍分同草烏一處為末 麝香另研貳錢半

右為細末入研藥勻停酒調塗痛處

蝎附散 治一切風邪頭痛夾腦風痰涎壅盛嘔逆

惡心口吐清水暗風旋暈眼見黑花牙關緊急口

眼喎斜面目瞤動頭項拘急肩背引疼耳痒目昏

四肢麻木及沐浴出暴感風邪頭自昏痛兩太陽

百病  
百病

疾遠年頭風服諸藥無効並皆治之

全蝎炮

雄黃水飛

硃砂各壹錢半

附子炮去皮臍

川烏頭炮去皮臍

麻黃去節

天南星薑製

防風去蘆

白殭蠶炒各叁錢

藁本去蘆土

白芷各半兩

右為細末每服半錢葱茶調下食後孕婦不可服

京城之醫用此藥兼嚼如聖餅子治眼羞明多

淚見物不明有効一方用白附子蝎稍

木瓜煎

宣州木瓜貳枚切頂作蓋刻去瓢

沒藥貳兩另研

乳香貳錢半另研

右二味入木瓜中用蓋子合子竹簽定之飯上蒸三四次爛研成膏子每服三匙生地黄汁半盞無灰好酒二盞調和服之有人患此病自午後發黃昏時定予曰此患必先從足起經言十二經絡各有筋惟足下少陰之筋自足至頭大抵筋者肝之合也日中至黃昏天之陽陽中之陰也又曰陽中之陰肺也自離至兌陰旺陽弱之時故靈寶祕法云離至乾腎氣絕而肝氣弱肝腎二臟受陰氣故發於是時予授此方三服而愈



餘證治論方俱詳雜病本門

中氣虛弱則目眩耳鳴氣短神疲之類如前  
 六合山日十運黃食天之神明中之劍山又曰  
 谷水清壯氣立少劍之類自其至取大於前計刊  
 黃帝和表子曰此類必求於此或或或或或或  
 太極圖之三陰圖狀如之 林六界也 羅目字  
 年四六屬也必齊王符類三張生世黃書半益無  
 本林和入木及中用益王合子皆發安之知一  
 此亦有不給子

兩脇脹痛

因夫婦人兩脇脹痛者由臟腑虛弱氣血不調風冷  
 之氣客於腸胃傷於胞絡之間與血氣相搏壅塞不  
 宣邪正交爭衝擊故令兩脇脹痛也 薛東垣先生  
 云胸脇作痛口苦舌乾寒熱往來發嘔發吐四肢滿  
 悶淋瀝便難腹中急痛此肝木之妄行也竊謂前證  
 若暴怒傷血用小柴胡芎歸山梔氣虛用四物參朮  
 柴梔若久怒傷氣用六君芎歸山梔若氣血俱虛用  
 六味地黃丸若經行腹痛寒熱晡熱或月經不調發  
 熱痰咳少食嗜臥體痛用八珍柴胡丹皮若脇脹發

兩腋長痛

女科二

薛

熱口渴唾痰或小便淋瀝頸項結核或盜汗便血諸  
血失音用六味丸若兩脇作脹視物不明或筋脉拘  
急面色青小腹痛或小便不調用補肝散若藥用香  
燥之劑反傷清和之氣則血無所生諸證作焉丹溪  
先生云右脇痛用推氣散小龍膏丸當歸龍會丸控  
涎丹抑青丸十棗湯皆病氣元氣俱實之劑用者審  
之一婦人性急吐血發熱兩脇脹痛日晡益甚此  
怒氣傷肝氣血俱虛也朝用逍遙散倍加炒黑山梔  
黃柴貝母桔梗麥門冬夕以歸脾湯送地黃丸而愈  
一孀婦內熱晡熱肢體痠麻不時吐痰或用清氣

化痰藥喉間不利白帶腹脹用行氣散血藥胸痛不  
利肢體時麻此鬱怒傷肝脾而藥益甚也予則朝用  
歸脾湯以解脾鬱生脾氣夕用加味道遙散以清肝  
火生肝血百餘劑而愈後因怒飲食日少肢體時麻  
此乃肝火侮土用補中益氣加山梔茯苓半夏而痊  
又飲食失調兼有怒氣肢體麻甚月經如注脉浮洪  
而數此脾受肝傷不能統血而致崩肝氣虧損陰血  
而脉大繼用六君加芎歸炮薑而血崩止又用補中  
益氣加炮薑茯苓半夏而元氣復更用歸脾湯逍遙  
散調理而康

兩脇脹痛

女科三

靈寶散 治婦人血氣攻刺痛引兩脇

丁香 木香 乳香

玄胡索 當歸 白芍藥各等分

右為細末每服貳錢食前温酒調下

草豆蔻散 治婦人脾胃虛氣攻兩脇脹痛

草豆蔻 訶子肉各壹分 桂心

苦梗 厚朴各叁分 甘州壹分

川芎 當歸 乾薑

檳榔各半兩

右為粗末每服肆錢水壹盞煎米分去滓食前飲

服

菴藺子散 治婦人臟腑虛冷宿冷氣攻兩脇脹痛

坐卧不安

菴藺子 延胡索 桃仁

琥珀 當歸 桂心各壹分

赤芍藥 木香 沒藥各半兩

右為末每服貳錢温酒調下

人參紫金丸 治婦人榮衛不和心腹刺痛胸膈脹

滿不運飲食

紫金皮 蒼朮 石菖蒲各壹分

三才圖會 卷之二

香附子 貳兩 人參 半兩 木香 叁錢

右為末米糊丸如梧子大食後薑湯吞下叁拾丸  
氣針丸 治久積風壅踈利氣滯空胸膈止刺痛

木香 青皮 去白 大黃 炮

檳榔 各壹兩 黑牽牛 貳兩半 生半炒

右為末煉蜜丸如梧子大溫水下叁拾丸 鄧安  
人年五十忽然氣痛投神保丸愈不一上白再痛  
再服神保丸六七十粒大腑不通其疾轉甚亦有  
要用沉香木香薑桂芍藥而未敢投痛甚則築心  
築背築之兩脇似有兩柴十字挿定心脇叫聲徹

夫召子診之六脉沉伏乍來乍去眾問何如予曰  
夫丸痛之脉亦可準也但以證辨用藥觀其人質  
肥偉問其太腑數日不通余曰實痛也其不必脹  
但以入按之痛甚手不可向適此太實也經云太  
滿大實者可下之用氣針丸伍陸百粒是晚愈  
又已未在金陵有家提幹巽內人病心脇脹痛眾  
醫投木香沉香檳榔大腹芍藥薑桂之類益甚召  
予診之六脉弦緊而和不似病脉但診之時兩手  
如火以此知其實痛也眾問如何治療僕曰大凡  
心腹刺痛不可便作虛冷治之有二醫答曰非冷

內傷長痛

文粹二

痛六

即何熱即生風冷生氣是也予曰不然難經云虛  
 則痒實則痛又仲景云腹痛者桂枝加芍藥湯痛  
 甚者桂枝加大黃湯提幹曰荆布素弱子曰有可  
 辨處遇痛時使一婢按之若痛止是虛寒證也按  
 之轉甚手不可近此實痛也即令婢按之手不可  
 近叫呼異常子曰此實熱無可疑者當用大柴胡  
 湯治之眾不從予責狀而投之八服愈  
 論脇肋痛服木通散亦可治男子  
 心下脇肋少腹疼痛皆素有積寒而溫暖湯散亦可  
 主治甚者以溫藥下之心下與小腹痛諸善並有效

方而脇肋下痛鮮獲治法此  
 木通散 治脇肋苦痛偏効併心下脇肋并少腹牽  
 引痛者皆主之

木通去皮 青皮去白 川棟子去皮核  
以上三味用巴豆半 蘿蔔子炒  
兩炒黃去巴豆不用 木香  
 舶上懷香壹兩 莪茂  
 滑石各半 木香  
 右為細末煎蔥白酒調參錢壹服愈甚者不過再  
 服

三腕散 治中焦虛痞兩脇氣痛面目手足浮腫太

內形崩漏 女科二 百七

便秘澁兼治脚氣

大腹皮

紫蘇

沉香

乾木瓜

獨活各壹兩

白朮

川芎

木香

甘草

陳皮

檳榔各叁分

右咬咀每服叁錢水壹盞煎至柒分去滓空心熱服日中再服 戊午秋在京城有一婦人中焦虛痞腹膨脹痛大便秘結六脉虛弱諸醫服藥無效予投此藥不終劑而愈 補遺局方青木香丸沉香降氣湯小烏沉湯四磨湯

皆可用

薛左金丸

各四金丸

治肝火胸脇脹痛或發寒熱或頭

目作痛或大便不實或小便淋秘或小腹疼痛及

一切肝火之證

黃連

炒陸

吳茱萸

壹兩湯煮片時用

右為末粥丸白朮陳皮湯下

當歸龍薈丸

治肝經實火胸脇脹痛或大便秘結

小便澁滯凡屬肝經實火皆宜用之

當歸

龍膽州炒焦

梔子仁炒

黃連

炒

黃芩

炒各壹兩

大黃

炒

兩脇脹痛

女科

百病

蘆薈

青黛

木香

麝香另研五分

各伍錢

貳錢

右為末用神麩糊丸桐子大每服貳拾丸薑湯下

補肝散 治肝腎二經氣血虧損脇脹作痛或脇脹

頭暈寒熱發熱或遍身作痛經候不調

山茱萸肉

當歸

五味子炒杵

山藥

黃芪炒

川芎

木瓜各半兩

熟地黃自製

白朮炒各壹錢

獨活

酥棗仁炒各肆兩

右為末每服五錢棗水煎服

腰痛

藥隱老人論曰夫腎主於腰女人腎藏繫於胞絡若腎氣虛弱外感六淫內傷七情皆致腰痛古方亦有五種之說如風腰痛宜小續命湯加桃仁杜仲煎服脾胃氣痞及寒濕腰痛宜五積散雜病中寒加桃仁如虛損及五種腰痛服青娥丸雜病腰痛神應丸全上皆可用也如氣滯腰痛服如神湯必效薛陳無擇先生云若形體虛羸面色黧黑腿足痿軟不能行立此失志所為也腹急脇脹目視眈眈宗筋弛縱白淫下注此鬱結所為也肌肉不仁飲食不化腸胃脹滿閉墜腰

脇此憂思所為也皆屬內若腰冷作痛身重不渴小便自利飲食如故因勞汗出腰悽脇痛或墜墮血滯或房勞精竭皆屬不內外因也竊謂前證失志腎虛熱者六味丸雜病腎虛寒者八味丸雜病鬱怒傷肝實用龍膽瀉肝湯雜病虛用六味丸補肝散雜病憂慮傷脾者歸脾湯雜病健忘逍遙散調經腎着者寒則朮附湯雜病虛則腎着湯全上腰膝痛者寄生湯養腎散雜病瘀血滯者如神湯舒筋散房勞腰痛者青娥丸雜病十補丸見前一婦人腰痛三年矣每痛必面青頭暈目緊余以為肝脾氣虛用補肝散而愈三年後因

勞役患頭痛兼惡心用補中益氣湯雜病傷勞倦加茯苓半夏蔓荊子而愈一婦人苦腰痛數年不愈余用白朮一味大劑服不三月而痊乃胃氣虛閉之證故用白朮也

如神湯 治男子婦人氣虛腰痛一方有杜仲無當歸

玄胡索 當歸去蘆 桂心等分

右為細末每服參錢溫酒調下甚者不過數服

獨活寄生湯 夫腰痛者皆由腎氣虛弱卧冷濕地當風所得不時速治喜流入脚膝為偏枯冷痺緩弱疼重或腰痛拘攣脚膝重痺宜急服之



獨活 參兩

桑寄生

續斷

杜仲 炒去絲

北細辛

川牛膝

秦艽

茯苓

白芍藥

桂心

川芎

防風

人參

熟地黄

當歸 各貳兩

右咬咀每服參錢水壹錢煎至七分去滓温服空心氣虛下利除地黄并治新產腹痛不得轉動及腰脚攣痛痺弱不得屈伸此藥最能除風消血肘後有附子故無寄生人參當歸粉草近人將治歷節風脚氣流注亦効

舒筋散

治腰痛神効閃挫亦良

玄胡索 炒

杜仲 薑汁炒

官桂 去粗皮

羌活

芍藥 各等分

右為末酒調下貳錢

又方

橘核炒香研酒去粗下青木香丸 方見

又方

天羅布瓜子仁炒焦搗酒熱服留查炒熟封

痛處効



氣湯雜病傷勞倦若足三陰精血虧損陰火內動內熱

熱作渴痰甚小便頻數等證宜用六味地黃丸雜病虛勞

若足三陰陽氣虛敗惡寒發熱手足俱冷吐痰不食

二便滑數等證宜用八味地黃丸雜病虛勞一婦人先

腰膝作痛後兩腿亦痛余以為足三陰虛寒外邪所

傷用小續命湯及獨活寄生湯或作或止所用飲食

極熱腹中左快余曰邪氣去而元氣虛寒也診其脉

果沉細用養腎散本條漸愈又用十補丸虛勞而痊

一婦人所患同前但發熱作渴喜冷飲食脉洪數

按之遲澹余以為血虛有熱用羚羊角散身體去積

柳加白朮茯苓數劑更用加味逍遙散結而瘥一

婦人患前證時或腿膝作痛脉浮數按之遲緩此元

氣虛而風濕所乘用獨活寄生湯頓愈又用八珍湯

而安一婦人因怒患前證寒熱往來口苦不食晡

熱內熱余以為肝火血虛先用小柴胡湯加山梔頓

愈又用加味逍遙散而瘥一婦人患前證寒熱頭

痛殊類傷寒此寒邪之證用檳蘇敗毒散而安又用

補中益氣調補而愈

虎骨丸治婦人血風攻注腰脚骨節疼痛不可忍

虎脛骨

酥炙

敗龜

酥炙

檳榔

牛膝 酒浸各

當歸 去蘆炒

川大黃 炒

木香

桃仁 浸炒

海桐皮 各柒錢半

防風 去蘆炒

附子 炮去皮臍

赤芍藥

桂心

血竭

沒藥 另研

地龍 去土炒

右為細末煉蜜和搗三五百下丸如梧桐子大每服參拾丸空心食前温酒下日貳服

仙靈脾散 治婦人血風攻注腰脚疼痛

仙靈脾

桃仁 數炒

檳榔 各壹兩

羌活 去蘆炒

海桐皮

牛膝 酒浸

當歸 去蘆炒

苧蕪

骨碎補

玄胡索

桂心

枳殼 去瓢炒

木香

菴藺子 各柒錢半

蚶蚶 炒半兩

麝香 另研貳錢半

右為細末每服貳錢食前用豆淋酒調下日進二十服

藁本散 治婦人血風流注腰脚疼痛不可忍

藁本 去蘆土壹兩半

狗脊

天麻

骨碎補

桂心

沒藥 另研

血竭 研

蟬殼 微炒各壹兩

虎脛骨 醋炙

腰脚疼痛

女科

敗龜 醋炙

穿山甲 各貳兩

麝香 半兩

右為細末入麝香拌勻每服貳錢生薑豆淋酒調

下空心食前日一服

敗龜散 治婦人風毒流注腰脚疼痛行步艱難

敗龜 酥炙

虎脛骨 酥炙

白僵蠶 炒

薏苡仁 炒去

當歸 去蘆

杜仲 剉炒去絲

地龍 炒去

桂心

乳香 另研

沒藥 半兩

沒藥 另研

右為細末每服貳錢食前温薄荷酒調下

骨碎補散 治婦人血風氣攻腰脚疼痛腹脇拘急

並宜服之

骨碎補 炒

草薢 酒浸

牛膝 酒浸

桃仁 麩炒

海桐皮

當歸 去蘆

桂心

檳榔 各壹兩

赤芍藥

附子 炮去

川芎 各柒錢

枳殼 半兩

右為咀咀每服五錢水一大盞半生薑參片棗壹

枚煎至一大盞去滓温服

附子散 治婦人腰脚積年疼痛不瘥

附子 炮去

桂心

沒藥 另研

威靈仙

乾漆 炒去煙

牛膝 酒浸

腰痛

女科二

百病

右為細末每服貳錢温酒調下食前日進二服

養腎散 治腎經虛弱風寒所侵以致腰脚疼痛不

能步履

蒼朮

壹兩

乾蝎

叁錢

天麻

草烏頭

炮去皮

黑附子

炮去皮臍

右為末每服壹錢酒調服麻痺少時隨愈孕婦勿

服此治風寒傷腎膀胱虛寒之良藥用之得宜殊

有神効

### 臂痛

天夫婦人臂痛筋脉攣急不得屈伸遇寒則劇由肝  
 虛為風寒邪氣流於血脉客於經絡搏於筋筋不榮  
 則乾急而痛其脉緊細宜服栝子仁丸舒筋湯若臂  
 痛不能舉或左或右時復轉移一臂由中腕伏痰脾  
 氣滯而不行上與氣相搏四肢皆屬於脾脾氣滯而  
 氣不下上攻於臂故痛其脉沉細宜茯苓丸控涎丹  
 醇前證若肝血虛用加味道遙散中氣虛用補中  
 益氣湯血氣俱虛用八珍湯風熱血燥用秦艽地黃  
 湯脾腎虛寒用栝子仁丸脾胃實熱用茯苓丸水不

能生末用六味九道遙散怒動肝火用小柴胡加川  
 芎當歸眩暈晡熱用四物柴梔丹皮晡熱月經不調  
 用加味道遙散食少體倦無寐盜汗用加味歸脾湯  
 先太宜人偏身作痛筋骨尤甚不能屈伸口乾目  
 赤頭眩痰壅胸膈不利小便赤短夜間殊甚遍身作  
 痒如蟲行此屬肝腎氣虛而熱也用六味地黄丸料  
 加山梔柴胡而愈

栢子仁丸 指迷

栢子仁

枳殼 去穢，麩炒

覆盆子 炒

北五味子 炒

乾地黄 各貳兩 自製

茯苓

附子 炮

石斛 去根切 酒蒸炒

鹿茸 酥炙

酥棗仁 炒

桂心

沉香

黃芪 蜜水炙各壹兩 一方云等分

右為細末煉蜜為丸如梧桐子大空心酒下參拾  
 丸

舒筋湯 治臂痛又名五痺湯亦治腰下疾

片子薑黃 肆兩

羌活 各壹兩

白朮

海桐皮

當歸

赤芍藥 各貳兩

右為粗末每服參錢水一盞半煎七分去滓溫服

如腰以下疾空心服腰以上疾食後服

茯苓丸 治臂痛不能舉手或左或右時復轉移由  
伏痰在內中腕停滯脾氣不行上與氣搏四肢屬  
脾脾滯而氣不升故上行攻臂其脉沉細者是也  
後人謂此臂痛乃痰證也用治痰無不効者予  
嘗以此藥治人隨服隨愈世所謂痰藥多矣未有  
立効如茯苓丸速也

茯苓 壹兩

半夏 貳兩

枳殼 半兩去穢炒

風化朴硝 半兩

右為末薑汁煮糊丸如梧子大生薑湯下貳拾丸

食後服

控涎丹 凡人忽患曾背手足頸項腰胯隱痛不可  
忍連筋骨牽引鈞痛坐卧不寧時時走易不定俗  
醫不曉謂之走疰便用藥及針灸皆無益又疑是  
風毒結聚欲為癰疽亂以藥貼亦非也此乃痰涎  
伏在心膈上下變為此疾或令人頭痛不可舉或  
神意昏倦多睡或飲食無味痰唾稠粘夜間喉中  
如鋸聲多流唾涎手脚重腿冷脾氣脉不通誤認  
為癰瘰亦非也凡有此疾但以此藥不過數服即  
愈



骨痛

女利

百五

甘遂

去心

大戟

去皮

真白芥子

炒各等分

右為細末糊丸如梧桐子大臨臥淡薑湯下五七丸如疾猛再加至十丸

白芥子散

治臂痛牽引背脚或輟或作由榮衛循行失度痰滯經絡或似癱瘓

真白芥子

木鼈子

沒藥

另研

桂心

木香

右為末每服壹錢溫酒下愚按前三方脾氣虛弱者必佐以六君子湯中氣虛弱者必佐以補中益氣湯氣血虛者必佐以八珍湯脾氣鬱滯者必

佐以歸脾湯肝經怒氣者必佐以逍遙散若專用

前方治之胃氣益虛病氣益甚不可不謹

流氣飲

治七情氣滯胸脇悶痞咽喉不利嘔喘而

浮便不調或氣攻肩背脇肋作痛或脚氣喘急

腹脹便閉元氣充實者宜用此藥慎之

紫蘇葉

黃芪

青皮

去白

當歸

半夏

烏藥

芍藥

茯苓

桔梗

防風

川芎

陳皮

枳實

木香

甘草

炙壹兩

等量

各伍錢

各貳錢

各柒錢

伍分

貳錢半

骨痛

女科

百五十六

大腹子

薑製壹兩

木香

各五錢

甘草

壹兩

右每服半兩薑棗水煎服

四物湯治血滯中風血虛手足不遂如臂痛加紅

花煎

交加散加木瓜牛膝治冷痺肩臂作痛即人參敗毒

和五積散

烏藥順氣散加羌活木瓜治外邪氣滯筋骨作痛或

痰氣不利方見雜病中氣

秦艽地黃湯治肝膽經風熱血燥肩臂疼痛或筋

脉引急或時牽痛其內證發熱或寒熱晡熱月經

不調或肢體酸痛等證

秦艽

熟地黃自製

當歸各壹錢

川芎

芍藥

牡丹皮

白朮

茯苓各壹錢伍分

釣藤鈎壹錢

柴胡

甘草各叁分

右水煎服



桂一半主之大煩躁者紫雪最良若無紫雪以百合薄荷煎冷水調服極妙大便秘者脾約丸麻仁丸三和散主之仍針灸為佳服補藥與湯淋洗皆醫家之大禁也 夫婦人脚氣與丈夫不同男子則腎臟虛弱為風濕所乘女子以胞絡氣虛為風毒所搏是以胞絡屬於腎也腎主於腰脚又肝脾腎三臟經絡起於足十趾若臟腑虛損則風邪先客於脚從下而上動於氣故名脚氣也此皆由體虛或當風取涼或久坐卑濕或產後勞損或恚怒悲傷肝則心氣不足致月候不通因其虛傷風毒傳入筋骨則令皮膚不仁

筋骨疼痛肢體不隨筋脉拘攣或時冷疼或發腫滿或兩脚痺弱或舉體轉筋目眩心煩見食嘔吐精神昏憤肢節煩疼小便赤黃大便秘澀如此證候其婦人脚氣療之與丈夫不同以其氣血不調胎妊產損傷之是以療寡婦及尼與妻妾殊別即其義也 薛嚴用和先生云前證初患不覺因他病乃發先從脚起或緩弱痺痛不能行履或兩脛腫滿或足膝細小或心中怔忡或小腹不仁或舉體轉筋或見食作嘔或胸滿氣急徧體酸痛其脉浮而弦者因於風濡而弱者因於濕洪而數者因於熱遲而濇者因於寒男

子由於腎氣虧損女子血海虛弱七情所致竊謂前  
 證若足三陰虛弱用還少丹雜病若脾氣虛寒用八  
 味丸雜病若飲食停滯腎腿痠脹浮腫作痛此脾氣  
 下陷用六君子雜病少加柴胡升麻不應須用八味  
 丸若發熱口渴月經不調兩腿無力此足三陰血虛  
 火燥用六味八味二丸兼服前證西方之人多患之  
 因素食乳酪脾胃壅滯脛足腫滿至於南方亦有因  
 膏粱厚味濕熱下注而患者故古人謂之壅疾所用  
 之方多疎通發散之劑然感於房勞過度虧損三陰  
 治法又當以固本為主故六物附子為元氣虛弱寒

邪內侵之聖藥

大腹皮散 治婦人風毒脚氣肢節煩疼心神昏悶  
 並宜服之

大腹皮

桑白皮

木通去皮

羌活去蘆

赤芍藥

荆芥

獨活去蘆

青橘皮去白

乾木瓜各壹兩

枳殼去穢炒

紫蘇葉各貳兩

右咬咀每服八錢水壹中盞半生薑五片蔥白七  
 寸煎至壹大盞去滓食前溫服

紫蘇飲 治婦人風毒脚氣心腹痞塞痰飲停積不

思飲食脚重虚腫

紫蘇葉

木通 去皮

茴香

桑根白皮 各壹兩

獨活 去蘆

羌活 去蘆

乾木瓜

青橘皮 去白

甘草 炙各半兩

大腹皮 半兩

枳殼 去瓢炒貳兩

荆芥 半兩

右以咀每服八錢水一大盞半生薑五片連鬚葱

白壹莖煎至一大盞去滓温服不拘時日進二服

四白散治男子婦人血虚發熱夜多盜汗不進飲

食四肢羸瘦筋脉拘攣脚痛不能行立

黃芪 去蘆

厚朴 薑製

益智仁

陳皮 去白

藿香

白扁豆

白朮 去蘆各壹兩

白茯苓 去皮

白豆蔻仁

人參 去蘆

甘草 炙

天台烏藥 各半兩

芍藥 壹兩半

檀香

沉香 各貳錢半

右為細末每服參錢水壹盞生薑參片棗子壹枚煎至七分和粗温服日進二服諸證減退只有脚攣痛不能行服蒼朮丸治之

蒼朮丸 大治乾濕脚氣筋脉拘攣疼痛不能行履

兼補下部

乳香 另研

沒藥 各貳錢另研

川牛膝 酒浸

青鹽各半兩

熟艾肆錢米糠全蝎壹錢

川烏頭叁錢炮

過研末

右件為細末入研藥令勻用大木瓜壹枚切一頭留作蓋去穢入上件藥於木瓜內將蓋簽定安於黑豆中蒸令極爛取出去皮連藥研成膏却入生蒼朮末不以多少拌令得所丸如梧桐子大每服五十九空心用木瓜湯下或溫鹽酒亦得日進三服忌血與蒜

餘證方論並詳雜病本門

癩疹痒疥

夫夫人體虛為風邪氣客於皮膚復傷風寒所以則發風瘙癩疹若赤疹者由寒濕客於肌中極熱熱結則成赤疹也得大熱則發取冷則瘥也白疹者由風氣客於肌中熱熱與風相搏則成白疹也得天陰雨寒則發出風傷亦發得晴煖則減著衣煖亦瘥肌浮而洪浮即為風洪則為氣風氣相搏則生癩疹身體瘡痒凡人汗出不可當風露則及浴後出早使人身振寒熱以生風疹也藥隱老人云治婦人遍身時發瘡痒或赤腫癩疹五心煩熱血風攻症與人參





之而痊。一婦人因忿怒身發疙瘩，憎寒發熱，余謂  
 肝火用小柴胡湯，加山梔黃連治之而愈。後口苦脇  
 痛小便淋漓，復用前藥全愈。一婦人患前證發熱  
 夜間譫語，此血分有熱，以小柴胡湯加生地黄治之  
 而安。後用四物加柴胡山梔丹皮而熱退。又用逍遙  
 散全愈。一室女年十四歲，天癸未至，身發赤斑，瘡  
 痛左關脉弦數，此因肝火血熱，以小柴胡湯加山梔  
 生地黄牡丹皮治之而愈。若因怒而致者，又當治以  
 前藥。

何首烏散 治婦人血風皮膚瘙癢，心神煩悶及血

風逆走不定並宜服之

何首烏 防風 白蒺藜

枳殼 天麻 僵蠶

胡麻 羌蔚子 蔓荊子各等分

右為細末，每服貳錢，煎茵陳湯調下，無時

疾藜散 治婦人風瘙皮膚中如蟲行及生癩疹搔  
 之作瘡面腫心煩並宜服之

白蒺藜炒 莽艸炒 麤羊角屑各柴錢半

黃芩 人參去蘆 苦參去蘆

蛇床子 秦艸去蘆 防風去蘆

麻黃 去節

當歸 炒去蘆

甘草 炙

枳殼 剉炒

細草 去苗各半兩

右吹咀每服五錢水壹中盞半煎至壹大盞去滓  
溫服不拘時日進一服

治婦人風痒癩疹不差

蒼耳花葉子 各等分

右為細末每服貳錢豆淋酒調下不拘時候日進  
二服

治癩疹

右用白蜜不以多少好酒調下已試有驗

治皮膚有風熱遍身生癩疹

牛蒡子 水浸壹兩淨晒乾炒令香

浮萍 蒸過焙乾等分

右為細末每服貳錢薄荷湯調下日二服

又治風氣客於皮膚搔之不已

蟬蛻 洗 大葉薄荷

右等分為細末每服貳錢溫酒調下無時

又方

露蜂房 洗過蜜炙令焦 蛇蛻 洗炙令焦

右為細末每服壹錢溫酒調下不拘時

治婦人風癢癩疹身痒不止宜用淋瀝方

馬蘭

芫蔚子

白礬

白蒺藜

茵芋

羊桃根

凌霄花

蒴藿根

葶麻葉

右吹咀以水貳斗煮取壹斗去粗於避風處洗之

又方

凌霄花

蒴藿根

右件藥以水七升煮取叁升濾去滓入白礬末貳

兩攪勻以綿漬頻拭於疹上後煮槐柳湯浴之

又方以醋漿水磨白礬塗之

女科證治準繩卷之二

